

Indicador da intensidade da demanda turística

Datos correspondentes ao ano 2024

Resumo de resultados 23/05/2025

ÍNDICE

Principais resultados	1
Introdución	1
Galicia e os 18 destinos turísticos	2
Os concellos costeiros	7
Indicadores segundo a orixe do viaxeiro	9
Definicións e máis información	10
Definicións	10
Máis información	10

Principais resultados

- As pernoctacións de turistas en Galicia ascenderon a 12.247.829 no ano 2024.
- Nos concellos costeiros a presión turística media foi de 1,30 viaxeiros por cada 100 residentes.
- O 72 % das pernoctacións rexistradas en Galicia en 2024 corresponden a turistas de fóra da comunidade autónoma.

Introdución

O conxunto de Indicadores da intensidade da demanda turística ofrece información sobre a demanda turística de Galicia segundo o destino do viaxeiro. Presentan, por tanto, información cunha grande desagregación territorial.

A orixe dos datos para a elaboración deste conxunto de indicadores procede de catro enquisas mensuais que realiza o Instituto Nacional de Estadística (INE):

- A Enquisa de ocupación hoteleira
- A Enquisa de ocupación en cámpings
- A Enquisa de ocupación en apartamentos turísticos
- A Enquisa de ocupación en aloxamentos de turismo rural

A poboación obxecto de estudo son os establecementos turísticos de Galicia (hoteles, cámpings, apartamentos turísticos e aloxamentos de turismo rural). Coa información ofrecida por estes establecementos e cedida polo INE ao IGE, elabóranse un conxuntos de indicadores que teñen por finalidade medir o impacto do turismo no territorio galego. Estes indicadores ofrécese para o conxunto de Galicia e unha agregación dos concellos en 18 grandes destinos turísticos. Ademais, realízase un tratamento específico do litoral galego por tratarse dun foco de especial atracción turística.

A finalidade destes indicadores é axudar a planificar os recursos e as políticas encamiñadas a potenciar a actividade turística con criterios de sostibilidade.

Galicia e os 18 destinos turísticos

En 2024, as noites en aloxamentos turísticos de Galicia situáronse en 12.247.829, cifra que, dividida polo tamaño da poboación galega¹, sitúase en 4,53 noites ao ano por cada residente en Galicia.

Asumindo que un residente en Galicia pasa unhas 365 noites ao ano na Comunidade Autónoma, pódese obter unha medida do volume de poboación que supoñen os viaxeiros en relación aos residentes, dividindo as noites entre o número de días do ano e multiplicando o resultado pola poboación galega². Así, en 2024, este indicador tomou o valor de 1,24%, o que significa que, nese ano, os turistas supuxeron o equivalente a 1,24 novos habitantes por cada 100 residentes habituais. Este índice inclúe a poboación de Galicia que visitou ao longo do ano algún destino turístico galego e se aloxou nalgún dos establecementos turísticos considerados. Se cinguimos a análise unicamente aos visitantes de fóra da Comunidade Autónoma de Galicia, o indicador toma un valor de 0,89 %.

A demanda turística non se distribúe homoxeneamente por todo o territorio galego, senón que tende a concentrarse en torno a catro grandes focos de atracción: os concellos que bordean a Ría de Arousa, Terras de Santiago, A Coruña e As Mariñas e a Ría de Vigo e Baixo Miño. Estas catro zonas por si soas representan o 64,1% das noites rexistradas en Galicia en 2024. Os seguintes destinos en importancia son: a Ría e Terras de Pontevedra (co 6,1% das noites), Lugo e Terra Chá (5,7 %), a Mariña Lucense (4,5 %) e a área de Ferrolterra (4,0 %)³.

Indicadores de intensidade da demanda turística por destinos turísticos. Ano 2024

Unidade: porcentaxe de noites, ratios

Destinos	Porcentaxe noites	Indicador Poboación (1)	Indicador Área
Galicia	100,0	1,24	414
A Coruña e As Mariñas	10,9	0,81	1.414
Ancares - Courel	0,8	1,76	47
Celanova - Limia	0,5	0,44	36
Costa da Morte	3,9	1,18	281
Deza - Tabeirós	0,9	0,46	72

¹Indicador de poboación (2) = Número de noites/Poboación do destino

²Indicador de poboación (1) = ((Número de noites/Número de días no ano)/Poboación do destino)*100

³Nesta operación distínguense dezoito grandes destinos turísticos en Galicia; oito deles catalóganse como destinos costeiros: A Coruña e As Mariñas, Costa da Morte, Ferrolterra, a Mariña Lucense, a Ría de Arousa, a Ría de Muros e Noia, a Ría de Vigo e Baixo Miño e a Ría e Terras de Pontevedra. No apartado de metodoloxía pode consultarse a relación dos concellos que integra cada unha das áreas turísticas de Galicia.


Ferrolterra	4,0	0,71	306
Lugo e a Terra Chá	5,7	1,01	164
Manzaneda - Trevinca	0,4	0,48	36
Mariña Lucense	4,5	2,13	391
O Ribeiro	1,1	0,80	129
Ría de Arousa	19,1	3,35	3.716
Ría de Muros e Noia	1,2	0,96	351
Ría de Vigo e Baixo Miño	15,6	0,98	1.184
Ría e Terras de Pontevedra	6,1	0,89	709
Ribeira Sacra	3,2	1,90	156
Terras de Ourense e Allariz	3,3	0,72	504
Terras de Santiago	18,5	2,25	747
Verín - Viana	0,4	0,48	30

Nota: Indicador poboación (1) = $((\text{Número de noites} / \text{Número de días no ano}) / \text{Poboación do destino}) \times 100$
 área = $\text{Número de noites} / \text{Área do destino (km}^2\text{)}$

Fonte: IGE. Indicador da intensidade da demanda turística ([descarga da táboa](#))

Noites en aloxamentos turísticos en relación ao total de Galicia segundo o destino turístico. Ano 2024

Unidade: porcentaxe (%)




Fonte: IGE. Indicador da intensidade da demanda turística ([descarga da táboa](#))

No tocante ao indicador que relaciona a poboación residente co volume de noites, de novo os concellos da Ría de Arousa sitúanse á cabeza no listado de destinos turísticos. A presión do turismo sobre os residentes na Ría de Arousa situouse en 2024 en 3,35 potenciais novos habitantes por cada 100 residentes habituais. Outros catro destinos superan a media galega: Terras de Santiago (2,25 %), a Mariña Lucense (2,13 %), a Ribeira Sacra (1,90 %) e os concellos que conforman o xeodestino Ancares-Courel (1,76 %). No outro extremo sitúanse os destinos do interior de Pontevedra e zonas de Ourense, como a zona de Deza-Tabeirós (0,46 %) e os concellos que conforman o destino Celanova-Limia, con 0,44 turistas por cada 100 residentes.

Indicador de poboación (1) segundo o destino turístico. Ano 2024

Unidade: tanto por cento (%)



Nota: Indicador poboación (1) = ((Número de noites/Número de días no ano)/Poboación do destino) x 100


Fonte: IGE. Indicador da intensidade da demanda turística ([descarga da táboa](#))

Se se relacionan as noites coa superficie da Comunidade Autónoma galega resulta un valor de 414 noites por km². Desagregando este indicador⁴ por destinos turísticos, de novo aparecen os concellos da Ría de Arousa na primeira posición, con 3.716 noites por km². Ségueno en importancia a zona da Coruña e As Mariñas, con 1.414 noites/km², e a Ría de Vigo e Baixo Miño (1.184 noites/km²). Na última posición atópanse os concellos da área de Celanova-Limia, onde o indicador tomou un valor de 36 noites/km².

⁴Indicador de área = Número de noites/Área do destino(km²)

Indicador de área segundo o destino turístico. Ano 2024

Unidade: noites/km²



Nota: Indicador área=Número de noites/Área do destino (km²)

Fonte: IGE. Indicador da intensidade da demanda turística ([descarga da táboa](#))

Os concellos costeiros

As zonas litorais son, dende hai anos, un foco de atracción turística moi importante de Galicia. De feito, entre os cinco primeiros postos do ranking de noites sitúanse catro destinos que agrupan concellos costeiros. Se se concreta a análise para estes municipios, obsérvase que o 61,1% das noites rexistradas en 2024 (unhas 7.478.009) tiveron lugar en aloxamentos turísticos situados en concellos costeiros.

Indicadores de intensidade da demanda turística nos concellos costeiros. Ano 2024

Unidade: porcentaxe de noites, ratios

Destinos	Porcentaxe noites	Indicador Poboación (1)	Indicador Área
Total zona de costa	100,0	1,30	1.491
A Coruña e As Mariñas	18,0	0,86	3.086
Costa da Morte	6,3	1,31	373
Ferrolterra	6,2	0,76	575
Mariña Lucense	7,0	2,46	721
Ría de Arousa	31,5	3,52	4.128
Ría de Muros e Noia	1,9	1,04	458
Ría de Vigo e Baixo Miño	21,5	1,07	2.743
Ría e Terras de Pontevedra	7,7	0,83	1.741

Nota: Indicador poboación (1) = $((\text{Número de noites}/\text{Número de días no ano})/\text{Poboación do destino}) \times 100$


Indicador área = $\text{Número de noites}/\text{Área do destino (km}^2\text{)}$

Fonte: IGE. Indicador da intensidade da demanda turística ([descarga da táboa](#))

A poboación dos concellos costeiros soporta unha presión turística media de 1,30 viaxeiros por cada 100 residentes. Agora ben, este índice varía considerablemente dunhas zonas a outras. Os concellos da Ría de Arousa (exceptuando os de Meis e Pontecesures, que non teñen costa) experimentan incrementos poboacionais da orde de 3,52 habitantes por cada 100 residentes habituais por mor do turismo, e os concellos costeiros da Mariña Lucense do 2,46 %.

Indicador de poboación (1)² segundo o destino turístico nos concellos costeiros. Ano 2024

Unidade: tanto por cento (%)



Nota: Indicador poboación (1) = $((\text{Número de noites}/\text{Número de días no ano})/\text{Poboación do destino}) \times 100$


Fonte: IGE. Indicador da intensidade da demanda turística ([descarga da táboa](#))

Indicadores segundo a orixe do viaxeiro

Nesta estatística tamén se analiza a procedencia das persoas que se aloxaron nos distintos establecementos turísticos de Galicia. O 72% das noites rexistradas en 2024 corresponderon a turistas de fóra de Galicia. Nalgúns destinos o peso do turismo foráneo supera a media galega. Así, no xeodestino Terras de Santiago supérase en 15,3 puntos a porcentaxe media galega: aquí o 87,3 % das noites corresponderon a non residentes en Galicia. Nos xeodestinos A Coruña e As Mariñas, A Costa da Morte e Lugo e a Terra Chá tamén se supera a porcentaxe media de Galicia.

Non obstante, noutros destinos, coma nos concellos que conforman a zona de Celanova-Limia e O Ribeiro, a porcentaxe de residentes procedentes da propia Comunidade Autónoma galega é moi superior á de non residentes. Nesta última zona, o 56 % dos turistas residen en Galicia.

Noites en aloxamentos turísticos segundo o destino turístico e a procedencia do viaxeiro. Ano 2024
Unidade: porcentaxe (%)



Fonte: IGE. Indicador da intensidade da demanda turística ([descarga da táboa](#))

Definicións e máis información

Definicións

Máis información

- [Indicadores de noites por destinos](#)
- [Indicadores de noites por destinos nos concellos costeiros](#)